

鼎鑿幼幼集成

鼎鑊幼幼集成卷之六

羅浮陳復正飛霞氏 刪潤

萬氏痘麻 廬陵劉 勳宋孟氏 校正

滋陽周宗頤虛中氏 叅定

○一成實證治歌

凡二十一首
共二十六方

起發之時漸作膿 毒隨膿化語無凶

或成空殼兼清水 毒氣留連慮晚攻

凡痘瘡自起發之後血化爲水、水化爲膿、至此膿已
成毒已化矣、飲食如常不亦吉乎、若當起發、殼中

出清水此氣至而血不隨也治之當益其榮宜四
物化毒湯

或內含清水平場不起此血至而氣不隨也當益其
衛宜保元化毒湯

或窠囊浮腫中含清水如水泡之狀此氣血俱虛不
能制毒反爲毒逼漸變癢塌治之當托其毒固其
榮衛使無癢塌以十全化毒湯主之

亦有飲食如常六腑充實若見空殼清水之證雖能
收斂未免發爲癰毒不可不早治之

膿成毒化笑顏開、猶慮形生變證來、

莫謂清安無個事、風雲不測霎時災、

痘瘡至成膿疱、此收功之時、手足常要和暖、過熱過
寒者變也、人事常要安靜、煩燥悶亂者變也、六腑
常要充實、忽吐利者變也、聲音要常响亮、忽暗啞
者變也、飲食要漸進、忽不食反作渴者變也、色要
蒼蠟形要飽滿、忽灰白平塌者變也、瘡要安和、忽
癢痛者變也、或觸風寒、或犯禁忌、或傷食、或悞服
湯丸、醫者當詳察其所因而治之、

四肢溫暖始相宜、寒熱乖常勢漸離、

補瀉無偏能謹慎、折肱端的信良醫、

凡痘瘡手足常要和暖、不宜太熱太寒、寒熱太甚、則水火偏勝而殘矣、假如病人六腑閉結、狂妄煩躁、口乾作渴、其脉洪數沉緊者實也、手足熱本病也、若手足冷、陽極似陰、謂之陽厥、下之勿疑、宜承氣化毒湯、

若曾經吐瀉、其脉沉細微弱者虛也、手足冷本病也、若手足熱、乃陰極似陽、謂之陰躁、宜補之、回陽化

毒湯溫之

養漿安靜吉堪誇、戰惕鳴牙禍必加、

痛癢躁煩雙足冷、縱教仙手枉誼譁、

凡痘瘡已成漿、或寒戰、或咬牙、單見一證者可治、蓋
寒戰因瘡出太甚、表虛而振振搖動者有之、宜養
衛化毒湯、

若咬牙者、必肝火甚、其牙相戛而鳴也、宜清神化毒
湯涼解之、

若寒戰咬牙並作者、此陽脫神喪、不可治矣、若因瘡

痛由膿血稠急而脹痛者宜導神化毒湯

若吐利而手足冷者宜回陽化毒湯

方見前更兼寒戰

咬牙悶亂煩躁癢塌者不治

有膿有血毒歸瘡端的其人正氣強

莫遇中虛生吐瀉功虧一簣費消詳

凡痘瘡成漿之時不宜吐瀉如吐而無物惡證也因
衝任之火上冲於胃直犯清道而逆出之爲不治
若吐而有物者用養胃化毒湯和之

凡泄瀉視其所出之物何如若色黃而臭小便黃赤

熱也、宜香連化毒湯、

若瀉出之物清冷不臭、小便清長、舌上無苔、寒也、宜理中化毒湯、

如瀉久不止、不論冷熱、皆宜止之、通用理中化毒湯、

吞荳蔻丸

前方見前

若吐瀉不止、手足厥冷、此脾胃之氣將絕、急宜附子化毒湯、

其有無時澀泄、手足和暖、飲食如常、雖治之不止、亦可言無事也、

身外諸瘡膿血成，咽喉自此貴寧清。

反加瘡水聲音啞，咽爛喉穿鬼伴行。

凡痘瘡初出，失於調解，以致毒火熏蒸，喉舌生瘡，又失於解毒，其瘡稠密，然外瘡未熟，至於養水之時，則先熟者又先醫矣。所以咽喉宜漸和平，聲音清亮，飲食不難，此吉兆也。若當此時，飲水則瘡食穀，則噤甚者失聲，此內瘡糜爛，舌上成坑，咽門腐爛，肺管壅塞，以致呼吸皆廢，飲食卒絕而死矣。亦有先本無瘡，因誤食辛熱之物，或誤投辛熱之藥，其

後旋生是證者可急用甘桔化毒湯服藥後病退者吉不退者凶

或咽門無瘡而暴暗者此少陰之血不榮於舌也宜養心化毒湯

若有聲而不清此火毒乘於肺也宜瀉白化毒湯中病即止不中勿治

陷起平尖脚潤紅 窠囊飽滿蠟漿充

自然氣色咸如式 畧見差池便不同

凡痘養漿之時若平日中陷者盡起頂平者盡尖根

脚紅活、窠囊飽滿、其色蒼蠟、氣如烝豆、自然安吉。
蓋灰白雖爲膿之正色、亦由氣之不足、宜大補化
毒湯。若因泄瀉而灰白者、宜固本化毒湯。

若其氣腥臭、此有濕熱、宜解其標、用解肌化毒湯。外
以益元散薄敷瘡上、勿令至於潰爛可也。

正值成漿、忽癢搔、用心調護、莫辭勞、
不分乾濕、皆凶候、能食神清、福自高。

凡痘至成漿、切防搔癢、抓破以洩其氣、俗云抓破出
血者吉、不出血者凶、殊不知起發之時、其瘡未發。

而內是血抓破宜出血若養漿之時其瘡已熟而
內是膿抓破有血無血何足以定吉凶大抵不宜
作癢如作癢而人清爽自知其候抓破或言其癢
欲人拊之者吉若癢而悶亂煩躁語之不聽禁之
不止搖頭扭項手足舞亂者凶也如其人清爽癢
癢不住者當視其形體虛實未曾吐瀉者宜四聖
化毒湯如元氣素弱而有吐瀉宜參歸化毒湯
又要看其抓破處復灌成瘡則吉破而不灌皮肉焦
黑者不可治也

正面將膿早破傷 依然腫灌復成瘡

莫嗟敗面留殘喘 腫若消時愈斷腸

凡視痘瘡以正面爲主蓋五臟精華皆聚於面如他處痘瘡破損正面完全可言無事若正面成片破損別處雖完全亦何益哉若破處復得腫灌成瘡膿血淋漓却又無事面雖敗穿鼻破唇但留殘喘耳豈不愈於死耶若破處不灌不腫或腫而又消煩躁悶亂此毒氣倒陷決不可治矣

眉心鼻準耳輪邊 唇口諸瘡貴活鮮

作痛作癢變而爲重重者癢塌振破煩悶而死矣
故房戶內外常須燒蒼朮大黃以避不正之氣但
二味氣味惡劣不可使痘兒聞之更不可焚燒諸
香蓋香能助火透入關節所以禁之其諸穢厭房
事最毒酒次之五辛又次之死屍之氣烈於糞穢
狐狸之氣甚於犬羊烈風暴雨亦能爲害飲食之
偏寒偏熱者勿然於口天氣太熱則薄其衣衾常
令涼爽大寒則溫其蓋覆常令溫暖皆調理切要
之法不可不知凡用僧道灑水滌穢與醫家用藥

必用老誠之人既能消心寡慾而且經驗復多自
能司人之命凡被房事生產月經所厭以大棗燒
烟解之被酒所厭以葛根茵陳燒烟解之五辛所
厭燒生薑烟解之被死屍疫厲厭以蒼朮大黃烟
解之狐狸犬羊厭燒楓樹毬烟解之凡遇風雨須
燒楓樹毬以避濕氣

膿血淋漓心臟虛 含空神亂若邪居
睡中妄語難甦省 養血安神病自除

凡痘稠密成漿之時或昏忪而睡呼之不醒口中喃

喻妄語如被邪祟之狀時人不知多生驚怪殊不知此由膿血出多心臟空虛神無所依而然當養血安神病當自退宜寧神化毒湯與安神丸相間服之

瘡成腹痛果何因 便秘腸中火燥津

又怨誤傷生冷食 消詳補瀉貴情真

瘡出之初腹痛乃爲毒氣瘡成無膿而腹痛未可以爲毒也當審其人便解飲食何如耳向若未得大便此燥屎在裏而痛宜大黃化毒湯微利之不可

拘於首尾不可下之說坐以待變也

若因誤傷生冷或飲冷而痛宜溫中化毒湯煖之效

瘡毒無邪證道中忽然腹脹氣瀰瀉

此因食飲多生變消導天然不用攻

凡痘順正表裏無邪膿血已成可無苦矣忽然腹脹
氣喘色變而煩悶者必傷食得之也何以知之以
其瘡正故也宜消導之用助脾化毒湯

膿成盡說毒將升誰料其間未足惡

飽滿堅牢誠可愛塌平濡濕最堪憎

世俗之見但知痘瘡已過一七發起作膿便言無事不知膿成之時尙未可憑信若郭郭堅厚膿漿飽滿言其無事信矣若平塌不飽滿淫濕不堅厚莫言無事至於十二三日之後尙有變異延綿日久而有死者矣

陰逆諸瘡且勿云耶將順證語諸君

緣何業已成漿口尙有凶危不可堪

凡痘分三等有順有險有逆順者不須治險者治之吉逆者無可治今除險逆不必論然順者亦有成

漿之日反變爲險逆者此何故也蓋有失調理觸犯禁忌悞服湯丸恃其輕少而不調護故令輕者變重此人事之害也又有只出一二粒而殞命者厲氣使然也豈人能逆料者哉

○入方

四物化毒湯○治痘已起發氣至而血不至殼中出清水、

全當歸 正川芎 懷生地 白芍藥 大麥冬

牛蒡子 淮木通 生甘草

等分

上薄桂

減半

燈心爲引水煎熱服

保元化毒湯○治痘血至而氣不至內涵水色平塌不起

官揀參 炙黃耆 全當歸 正川芎 荆芥穗

上薄桂 牛蒡子 北防風 赤芍藥 炙甘草

粳米一撮爲引水煎服

十全化毒湯○治血氣俱虛窠囊浮腫中涵清水如水泡

官揀參 漂白朮 白雲苓 炙甘草 正川芎

當歸身 白芍藥 懷熟地 炙黃耆 上薄桂

牛蒡子 粉乾葛

生薑大棗爲引水煎溫服

承氣化毒湯○治痘陽極似陰手足厥冷

小枳實 紫厚樸 川大黃酒炒 尖檳榔

生甘草

生薑三片爲引水煎滾熱服

同陽化毒湯○治痘陰極發躁手足大熱

官棟參 青化桂 漂白朮 白雲芥 川附片

炙甘草

大棗爲引水煎溫服

養衛化毒湯○治痘出太甚表虛而振戰

官棟參

炙黃耆

柳桂枝

當歸身

炙甘草

生薑三片大棗三枚引水煎服

清神化毒湯○治肝火太甚而咬牙

綠升麻

懷生地

杭麥冬

淮木通

北防風

炙甘草

燈心十莖爲引水煎服

導神化毒湯○治痘瘡太甚膿血稠急而痛以致咬
牙

淮木通 杭棟冬 黑梔仁 炙甘草 炒棗仁
鏡辰砂研

燈心十莖爲引水煎熱服

養胃化毒湯○治成漿時嘔吐而有物胃虛也

漂白朮 廣陳皮 白雲苓 西砂仁 薑炒連
生薑一片爲引水煎服

香連化毒湯○治泄瀉色黃而臭熱也

南木香 炒黃連 結猪苓 漂白朮 炙甘草
燈心十根爲引水煎服

理中化毒湯○治泄瀉所出之物清冷不臭寒也

官揀參 炙甘草 漂白朮 白雲苓 黑炮薑
大棗三枚爲引水煎服

附子化毒湯○治吐瀉不止手足厥冷脾胃將絕也
熟川附 官揀參 漂白朮 炙黃耆 炮薑灰
炙甘草

炒米一撮大棗一枚引水煎溫冷服

甘桔化毒湯○治誤食辛熱之物或誤服熱藥以致
咽喉破爛

大粉草 芽桔梗 鮮射干 淨連翹 牛蒡子
水煎入竹瀝和服

養心化毒湯○治咽中無瘡而暴瘡

大當歸 懷生地 大麥冬 綠升麻 天花粉
川黃檗 漂蒼朮 荆芥穗

生薑一片引水煎服

益元散

白滑石一兩研
細水飛
粉甘草五錢

共為細末、蜜水調敷、瘡焦痛、胭脂浸汁調敷、

四聖化毒湯○治成漿之時、忽然搔癢無吐瀉者、

淮木通 當歸尾 赤芍藥 北防風 柳楊桂

淨水煎服

參歸化毒湯○治元氣素弱、又兼吐瀉而作癢、

官揀參 大當歸 炙黃耆 赤芍藥 桂枝梢

漂白朮 炙甘草

水煎服 已上二證俱用熏洗法熏洗二方俱見前

寧神化毒湯○治成藥後膿血去多、心虛神無所主、口中嚙語、

官揀參 當歸身 懷生地 大麥冬 淮木通

石菖蒲 赤芍藥 黑梔仁

燈心引、水煎服、

安神丸○治證如前

炒川連

錢一

當歸身

錢五

白茯神

錢一

炙甘草

錢五

遠志肉

錢一

石菖蒲

錢一

炒棗仁

錢五

共爲末、猪心血搗勻爲丸、如芡實大、辰砂爲衣、每

二三九燈心湯下

大黃化毒湯○治癰成大使秘結而腹痛內有燥糞
綠升麻 當歸身 懷生地 大麻仁 光桃仁
鮮紅花 陳枳殼 錦大黃 尖檳榔
生薑爲引水煎空心熱服

溫中化毒湯○治悞傷生冷冷水而腹痛

官揀參 公丁香 南木香 漂白朮 青桂心
炙甘草 炒白芍 西砂仁 小枳實 廣陳皮
炮薑灰

大棗生薑引水煎服、

助脾化毒湯○治飲食過傷、抑遏脾氣、所以腹脹而喘

廣陳皮 法半夏 川厚樸 陳枳殼 家蘓子

蘿蔔子 尖檳榔

生薑爲引、水煎服、

○一收靨證治歌

凡一十五首
共一十六方

收靨難拘日數文、但憑稀密實虛分、

緩收循序多堅穩、太急須防餘毒熏、

痘瘡收靨不可以日數拘也、大抵痘稀元氣實者易
出易靨、痘密元氣虛者難出難靨、只要循序緩收
倘收太急、乃毒熬煎血氣枯焦、非正收也、必發癰
毒怪證、甚則喪軀、微則殘形矣、

人中上下別陰陽、收靨先於此處、

若是足顙先靨黑、多凶、少吉、早隄防、

人中者督任二脉交會之衝、痘疹先從此處出、壯收
靨爲陰陽和暢、若於額顙手足心先靨、乃邪氣攻
心莫救、

收靨從來貴整齊、鼻腥煩爛便蹉跎、

其間順逆宜詳審、慎勿遽巡當局迷、

痘瘡收靨貴於整齊、乾如螺靨者上也、頂破膿出、結如雞屎者次也、破爛無痂者下也、凡遇此等收靨、便須詢察曾犯何逆、如血氣本實、誤投補藥、以邪得補、反饋正氣、如火爍爛、宜天水散解之、則邪火退而收靨齊矣、

如初飲冷水、浸淫脾胃、以致收靨不齊、以除濕湯滲之、則內滲其濕、外燥其表、令好收靨、

若頭面潰爛其氣腥臭及遍身手足和皮脫去宜分
順逆果膿成毒化飲食如常更無他苦者順也膿
水未成是名倒靨未可量、

痘到收時膿自乾、封藏收服穀團團、

莫教腐爛和皮脫、此個還將倒陷看、

痘瘡成膿之後結爲螺靨此毒從外解若不能結痂

反成腐爛和皮脫去此倒陷毒氣入內也、

但逢倒陷毒深潛、復腫翻生始不嫌、

頭面腫消空未補、剝膚矢近易前占、

凡痘倒陷係中氣不足、急用溫中托裏湯托之、服藥後破者復加腫滿、無痘處又復出一層、謂之補空、俗云翻生痘是也、此正氣不虧、邪氣不出、雖過期延日、不爲害也、如頭面不腫、空處不補、卽易所謂剝以膚、切近災矣、安可爲哉、

靨時自利、忽然侵、順逆中間仔細尋

膿血痂皮爲順候、不分水穀定歸陰

收靨之時、忽然瀉痢、若膿血痂皮之物、此脾強腎弱爲順候、痢盡自愈、不可強治、若不分水穀、此腎強

脾弱爲逆候，用炒米湯送荳蔻丸，痢止則吉，不止

則凶。荳蔻丸

方見前

過期不靨，事蹉跎，臭爛，渾身靨不齊，

黏席黏衣，何所治？白龍敗草，指群迷，

凡痘成膿之後，過期不靨，渾身潰爛，以致黏席黏衣，用白龍散敗草散，觀貼鋪床最佳，

收靨遲延，須治急，勞君察證，毋拘執，

縱意遣師，徒自傷，臨危施濟，終難及，

凡痘當靨不靨，須要詳審，不可忽畧，如冬寒之時，蓋

卷之二
覆少薄被寒風鬱遏不能壓者宜桂枝解毒湯疏
解之、

如夏月衣被太厚熱氣熏蒸不能壓者宜去其衣被
少令清涼用甘露解毒湯清之、

倘一向大便秘結裏熱太甚不能壓者宜當歸解毒
湯微利之膽導法尤妙

如泄瀉氣虛不能壓者此只收壓不齊俗呼坐漿乾
也不須妄治如元氣素弱以致難壓宜參歸化毒
湯解之、

膿水將乾結靨時、休教愚昧失支持、
不知禁忌多翻變、却似爲山一簣見、
世俗於痘收靨之時卽殺雞食之、或薑椒之類謂其
和暖殊不知雞屬巽能動風辛能助火脾胃強者
無害弱者反助火邪以致發癰傷胃、口舌生瘡則
至壞病者有之矣、又或宜溫而過熱宜涼而過寒
皆爲犯禁亦能生變、切宜慎之、

一向渾身涼且和、靨時忽熱事如何、
微微發熱乾膿水、太甚焦枯病轉多、

痘瘡始終要有微熱不可盡去若收靨之時反大熱
作渴煩躁此毒在內更防陷伏急用生津涼血葛
根湯以清之、

破瘡復灌依然爛、及至收成功愈慢、

淋漓膿血苦難當、大補湯九君莫憚、

凡痘瘡犯着皮嫩易破本不治之證但破損之後重
復腫灌此正氣尙強毒不能入而發於外亦當依
期收靨設不能靨乃正氣被邪氣剝削雖能逐邪
出外不能逼邪成痂也急宜大補湯溫之不可因

循反生災變

數個頑瘡不肯收、化時鮮血却長流、

如逢此證休輕易、破膜傷筋命必休、

痘瘡破損灌腫作痛、不能乾水、一名疳蝕、一名陽

瘡、犯着卽出血不止、乃難治之證、內服大補湯、方

見前外以綿繭散敷之、若遂延不治、以致灌傷筋骨

穿膜破空、天人生命者多矣、

灌瘡滿面血膿多、敗面傷睛奈若何、

却在良醫施妙手、調和中外起沉痾、

如面瘡破爛、反復腫潰、膿血侵淫、却防壞眼殘形、宜升麻解毒湯清之、

痘瘡抓破狀多般、出血成坑水更乾、

搔癢焦疼微小事、傷筋潰肉使形殘、

其痘瘡抓破之證、非一有破而出血者、陽瘡也、宜當歸涼血散解之、

有破而無水便乾枯者、此陷伏也、要瘡復潰、肉復腫者、爲佳、內服托裏回生散、有破而成坑者、此內陷也、內服托裏回生散、外用白龍散敷之、方見後若不

詳審已上三證治之微則殘形甚則傷命

收靨依期更着痧 或時戰慄或言邪

三元正氣將回復 不必巫醫不必嗟

凡痘欲收靨之時痧皮圓靜但時或戰慄語言妄談
此爲正氣將復不能自持不必憂疑須臾自定

○入方

天水散○治痘悞投補藥反饋正氣而不收靨

白滑石

水飛一兩

粉甘草

細末五錢

共研勻蜜水調以鵝毛蘸藥拂拭瘡上

除濕湯○治脾胃受濕收靨不齊

川羌活

漂蒼朮

北防風

淮木通

結猪苓

宜澤瀉

漂白朮

赤芍藥

上薄桂

淨水煎服

溫中托裏湯○治痘瘡尚未收靨忽然倒陷中氣虛也

官揀參

炙黃耆

炙甘草

牛蒡子

當歸身

淨連翹

上薄桂

杭青皮

南木香

大棗三枚爲引水煎服

白龍散。治痘瘡渾身破爛不能懷抱者。

用乾牛屎燒灰取中間白者研末篩過敷爛處敗草散

用茅屋上爛茅燒灰研細篩過鋪於席上任其展轉此草多受霜露功能解毒故也

桂枝解毒湯。治痘爲風寒鬱遏不能收靨

上薄荷 赤芍藥 牛蒡子 北防風 淨蟬蛻

生薑大棗引水煎服

甘露解毒湯。治夏月天令炎熱者氣熏蒸不能收

屬

結猪苓

宜澤瀉

大麥冬

淮木通

小條苓

地骨皮

上薄桂

淨連翹

炙甘草

水煎熱服

當歸解毒湯○治裏熱太甚大便秘結不能收壓

懷生地

大當歸

火麻仁

陳枳殼

淨連翹

酒大黃

紫草茸

淨水煎空心滾熱服

脂導法

治大便秘結、燥血不潤腸、以此通之、不損元氣、

用大豬膽一個、以小竹管插入膽內、以線扎定、吹氣令滿、另以線打活結、收在其氣、以竹插入穀道內、解去活結、捏其膽、令膽汁射入腸中、直待氣透、然後去膽、便即通矣、

參歸化毒湯

官揀參 炙黃耆 當歸身 牛蒡子 炙甘草

水煎服 世人不知此等關係、視若泛常、不早求治、待斃而已、悲夫、

生津涼血葛根湯

治收靨忽然大熱煩渴此裏有毒也

粉乾葛

天花粉

地骨皮

當歸梢

淮木通

淨連翹

牛蒡子

酒黃芩

北柴胡

淡竹葉

大揀參

炙甘草

水煎熱服

大補湯○治痘破爛復潰元氣傷殘不能收靨

官揀參

炙黃耆

當歸身

淨連翹

上薄桂

牛蒡子

炙甘草

大棗爲引水煎服、

蠶繭散○治痘瘡破爛水不能乾犯之血出、

用出了蠶蛾綿繭不拘多少以白生礬搥碎納入繭內炭火煨之待礬汁乾研末乾搽瘡上卽安、

升麻解毒湯○治面瘡破爛復灌膿血不乾、

綠升麻 香白芷 酒黃芩 淨連翹 淨蟬蛻

淮木通 牛蒡子 密蒙花 白蒺藜 荆芥穗

北防風 大當歸 炙甘草

燈心爲引水煎熱服、

當歸活血飲○治痘瘡抓破而出血者

當歸尾 鮮紅花 酒黃芩 淨連翹 炙黃耆

官揀參 地骨皮 牛蒡子 生甘草

燈心爲引水煎熱服

托裏回生散○治痘瘡破而無水即便乾枯者

炙黃耆 大當歸 淨連翹 上薄桂 牛蒡子

炙甘草

水煎入燒過人屎調服

○一落珈證歌

凡五首
共三方

痲皮應落偏遲落，但恐斯時還作惡。

補脾實表有奇功，未可逡巡輕棄藥。

收靨之後痲殼自殘，若黏着皮肉不脫，乃表虛也。尤當禁忌，不可因循，恐生他變。宜調元固本湯治之。收靨之時不落痲，昏昏喜睡，莫咨嗟。

只因脾胃多虛弱，調治專從戊己佳。

此證乃脾胃虛而好睡也。胃屬戊土，脾屬己土，宜健脾開胃，調元清神湯醒之。

落痲之後察瘡，音平整紅鮮，日漸安。

若是凸凹兼黑黯，好將敷藥補形完。

其瘡落痂之後，痂痕平整，紅活者吉。若瘡肉凸起，或凹陷紫黑，吉凶未可知也。用滅痕散敷之。

瘡痂自落，何勞急，搦指須防邪氣襲。

他年終作血風瘍，此際侵淫空涕泣。

痂落依期不必憂，緣何頭足更遲留。

陰陽孤獨如鰥寡，安得同時取次收。

凡陽生者以陰成之，陰生者以陽成之。經曰：孤陽不生，孤陰不成。其瘡收靨，自人中平分上下，髮際以

上陽之陽也。謂之孤陽。足膝以下陰之陰也。謂之孤陰。所以瘡之收靨至此二處每每遲留不能便乾。不可服藥。聽其自然則吉。

○入方

調元固本湯○治痘痧黏肉不脫。

官揀參 炙黃耆 當歸身 淨蟬蛻 炙甘草
生薑大棗引水煎服

調元清神湯○治痘痧黏肉不脫而昏沉好睡。

官揀參 炙黃耆 大當歸 杭麥冬 廣陳皮

炒棗仁 炒川連 炙甘草

大棗爲引水煎服、

滅痕散○治癩落癬肉凸凹紫黑

密陀參研爲細末、以乳汁調搽癬疤、如無乳汁、蜜調亦可、若此藥搽上凸凹者自平、紫黑者自退、應効者吉、不應効者凶、

○一痘後餘毒證治歌

凡三十一首
共四十六方

借問何爲痘後癰、只因平塌少成膿、
毒邪蘊聚難消散、透節尋關出要衝、

凡痘初出一點血由血而化至膿膿成而毒解矣若
出形之後應起發不起發應成膿不成膿一片空
殼狀如蛇皮或平塌破損都無膿水本爲死證緣
其人脾胃素強又能飲食亦可以引日收較只是
毒邪蘊蓄於裏必尋出路於關節之間而爲癰腫
但發一二處可治若流注於手足發之不止腫灌
不愈久而死矣

痘癰先要明經絡
解毒調元兼裏托
決膿去毒急施功
莫待殘形變爲惡

凡癰之發先看何經絡分氣血多少而治之次看
人之虛實以解毒托裏爲先不可亂施敷藥以致
毒不得出內炎筋骨而成壞證如腫而未成膿者
用必勝膏貼之已成膿者將鍍針決破其膿以
生肌散敷之若腫毒而元氣素弱者以十六味
流氣飲流通之若氣血虛而泄瀉者加附子以
溫之若元氣素強者用連翹解毒湯主之如
癰毒日久膿血去多者以十全大補湯扶元解毒
惡證無如痘後丹皮膚蘊火毒相干

看他所發歸何部、心腎之經治亦難、

赤火丹瘤惡候也、流移紅腫、其痛手不可近、痘瘡之後、有發丹瘤者、因蓄火太甚、不能發洩、鬱於肌肉之間、故發而爲丹、從頭上起過心卽死、從足下起過腎卽死、內服玄參化毒湯解之、外用鎡鋒砭法、癰疹何爲痘後呈、肌膚蘊毒未全清、

若教發盡無停滯、免得重重怪證生、

癰者皮膚間隱隱成疔瘡也、俗人謂之風丹疹者、皮膚點點狀如蚊蚤咬迹也、痘後發癰疹、因毒火未

發盡藏於皮膚之間、或搔癢因抓而成、或因受風火相搏而成、皆吉兆也、正欲其發洩、無使停留、以變他證、如發太甚、內服防風敗毒散、外以益元散

拭之

益元散方見前

痘已收成、靨不乾、或時出血、病難安、

從前毒氣藏肌表、蝕肉傷肌、不忍看、

此與前頑瘡不收相同、凡覺痘瘡當靨不靨、卽防此

證、當內服大補湯、外以綿繭散敷之、

綿繭散方見前

翳膜爲何、眼內攢、怪他熱毒壅於肝、

還睛去翳多奇術 點洗徒招廢棄端

小兒出痘之時卽用黃檗膏和胭脂塗眼防斑瘡入眼也但斑瘡入眼本不在初多在收靨之時或滿面破爛重復腫灌膿血膠固毒火鬱蒸在內其斑瘡入眼或痘出已甚成就遲緩醫用辛熱之藥發之亦令斑瘡入眼又或收靨之時喜啖辛熱謂之乾漿以致二火相煽亦令斑瘡入眼但在白珠上不必治久而自去惟在黑輪上者或掩蔽瞳人急用密蒙花散治之

兩目今朝乍畏明、肝虛邪火暗傷睛、

涼肝養血功無比、解使雙眸炯炯清、

凡痘後雙目見明不開、暗則開者謂之羞明、宜涼肝明目散治之、若向暗處亦不開者、却妨目中有瘡、當如上法治之、

收後緣何便下紅、多由倒陷毒歸中、

利完膿血應須愈、強治翻爲聚怨叢、

膿血痂皮一路來、任他自止莫疑猜、

和中清熱施殘着、却澁輕投病轉乖、

痘後忽利膿血待其自止然後用和中清熱之劑不可便用止瀉但痢勢甚者宜黃連解毒湯清解之膿血盡後宜和中湯

痘證從前無倒陷緣何膿血利無時

大腸鬱火多潛毒解毒通腸貴早施

痘無倒陷之證却有膿血之痢由於平日食煎炒素有積熱今因痘後氣血虛不能勝積故痢膿血也此名滯下必然腸鳴作痛裏急後重或因痘出之後飲食太多水停作泄熱毒乘虛入裏便下膿血

此名腸垢宜調胃承氣湯以徹其毒次用黃芩湯調其陰陽

最怕收成嘔噦煩咽疼胃弱毒潛湮

錯喉噎水宜施治乾噦無聲鬼作鄰

有聲有物謂之嘔有物無聲謂之吐有聲無物謂之噦食穀卽吐謂之錯喉飲水而嘔謂之噎水今痘後凡有此等由熱毒壅塞胃口故令嘔吐咽門澁塞故令錯喉噎水也惟乾嘔乃胃瘡腐爛不能納穀故時時張口似吐不吐乃不治之證亦有咽噦

作痛而嘔吐失聲者乃咽喉腐爛亦不可治惟但嘔吐陳皮竹茹湯咽喉痛甘桔湯

身已清安熱不除或因毒甚或元虛

調元解毒分投用寒熱分明効自如

痘既收靨則毒解而熱當除矣如熱一向不已非毒氣之餘烈必元氣之素虛惟以脉辨之如脉數形勇煩燥而熱此邪氣實也宜知母解毒湯如脉遲形怯熱而喜睡此正氣虛也宜黃芩調元湯

收後渾身一向溫不然發熱細評論

內傷外感須分治、此個真機妙法門、

痘靨之後、一向溫暖和平、並無餘熱、今忽發熱、不可以餘毒未解、正氣之虛同論、必因外感風寒、其證頭目昏痛、惡寒、脉浮、宜桂枝湯、

或因內傷飲食、其證肚腹飽悶、不喜飲食、其脉弦滑、以補中益氣湯、加消導藥而運用之、

食飲如常、腹裏疼、蓋由脾弱、化難能

看他虛實行消導、方顯明良三折肱、

收靨之後、忽然腹疼、或嘔或泄、不思飲食、此傷食之

證虛則用上補中益氣湯治之、如無吐利、腹痛氣急、宜丁香脾積丸下之、若腹滿而痛、煩悶不寧、此毒火入中、急用雄黃解毒丸利之、不然漸加喘急、手足厥冷、則難治矣、

收後緣何食不思、偶然傷食、少人知、補脾消導爲良法、強忍成疳、悔是遲、

一向能食、收後反不能食、聞食氣卽嘔逆、此必食傷甚、可以脾積丸治之、方見前微則以保和丸調之、若隱忍不急求治、久則消瘦漸成疳癆矣、

寒熱纏身似瘧侵 不分早晚應期臨

只緣脾胃多虛弱 補氣升陽貴酌斟

此因痘後氣血兩傷陰虛則內熱陽虛則外寒乍寒乍熱儼然瘧疾切不可爲瘧治但以補中益氣湯升舉之其病自愈

收後渾身手足寒 好將氣血作虛看

六經脈細如將脫 急早回陽病自安

凡痘收靨之後手足厥冷六脈沉細元氣大虛急用調元生脈散以溫之稍用寒涼必取敗亡也

強打精神睡思昏

終朝何事不惺惺

此因毒解神虛倦

氣血和平體自寧

收靨而好睡乃毒解神虛此常事也不必調治有等
苟且之流欺人不知而取利庸下之徒妄用湯丸
而致禍者戒之戒之

睡思沉沉不識人

恍疑中酒妄言頻

只因熱伏心包絡

保護心君妙入神

凡收後昏睡連日不醒口中妄語或有醒時亦似醉
人每多錯語此熱邪攻心心君不肯受邪傳於包

絡宜導赤解毒湯清之、或用安神丸亦佳、
收靨之餘、搐搦緊、責其火毒未全清、
清心散火風應退、發作無休、命必傾、
痘出發熱作搐、此常候也、若收靨之後、反發搐者、乃
瘡發未透、毒火內侵故也、然此候發於收靨之餘、
血氣已衰、治之甚難、宜清神散火湯、如藥對病者、
可治、若連發不已、死證也、

身已康寧、手足攣、分明血少致斯愆、
補脾養血誠仙訣、不遇知音莫浪傳、

凡痘後手足忽然攣拘不能屈伸轉運乃血少不能養筋又或外被風寒水濕以致然耳不可用發散併疎風之藥以耗其血只宜當歸桂枝湯補脾養血則手足自和

痘後還愁咳嗽多 總由毒火肺中磨
清金降火兼調氣 肩息胸高若命何

痘疹之後惟肺受傷至於收靨毒解宜乎寧矣若反咳嗽喘急乃毒火流入肺中也當清金降火宜寧肺湯保肺解毒服藥嗽不止胸高龜殼肩息者不

治

忽爾渾身腫脹形、或風或水食偏停、

腫因肺受宜清表、脹屬脾家利解寧、

痘收之後或面目浮、四肢腫、此屬於肺、因表虛而受
風寒、仍宜汗解、用加味五皮湯、

若腹脹如鼓、眼胞微腫、此屬於脾、由脾胃虛、飲水過
多、蓄濕於內、所食過多、積熱於中、仍宜利解、宜厚
樸湯、倘屬虛脹、不可妄攻、但宜萊菔子丸、

小便宜清偶澁遲、膀胱蓄熱少人知、

不將導赤爲良法、只恐遷延有變時、
凡痘疹小便始終宜清、若收後不利、此熱積膀胱、宜
加減導赤散以清其心、

便貴滋榮乍覺難、誰知腸胃液津乾、

潤腸膽導宜兼用、縱有餘邪便後安、

凡大便始終須宜潤澤、一二日一次爲佳、若至於收
靨後而大便秘結、乃痘出太多、血枯氣不潤腸、宜

潤腸丸兼膽導法、

方見前

腠理疎通雨汗傾、衛虛榮弱雨無情、

建中自汗湯偏勝、盜汗歸黃六味平、

經曰衛氣者所以溫肌肉充皮毛肥腠理司開闔也
痘瘡之後衛氣受傷故收靨之後衛弱而汗出也
醒時常出爲自汗宜建中湯睡着而出者爲盜汗
當歸六黃湯

血在身中本自寧、火邪迫血血違經、

鼻中細出堪調治、便尿中來命不停、

痘收靨後忽見血證大爲危候蓋鼻血出於肺吐血
出於胃溺血出於小腸便血出於大腸皆由毒入

於內迫血妄行急宜原血地黃湯止之服藥後血
不止者不治

忽吐衄蟲證已非 要知內熱又常饑

但聞食臭蟲斯出 嘔吐心煩蟲作威

傷寒吐衄責之胃寒痘證吐衄責之裏熱由熱毒拂
鬱於裏又不能食蟲無所養但聞食臭即湧出者
宜黃連止衄湯

炎炎胃火成疳蝕 辛熱頻食陽毒熾

牙齦臭爛怕穿腮 藥有神功休論值

凡痘瘡後牙齦生瘡時時出血謂之牙宣呼吸息臭謂之息露此走馬疳也由熱在陽明少陽宜內服洗心散外以蠶蛻散敷之

如舌上生瘡赤者謂之赤口瘡此熱在心脾二經內服洗心散外用陰陽散敷之

其瘡白者名曰口瘡又名鵝口瘡此熱在心肺二經亦服洗心散外以硃礬散敷之

食飲緣何不發肌 多因氣血兩相虧

和平丸散常宜服 偏熱偏寒愈見離

凡兒素常肌肥痘後羸瘦雖能飲食而不爲肌膚乃
氣血虛故也治之須兼陰陽不可偏勝偏陽則傷
血偏陰則傷氣愈見乖離矣陰日宜服參苓白朮
散陽日宜服當歸益榮丸

痘後分明皮肉嬌切宜保護在昏朝

風寒暑濕常宜避洗拭擗搥禍莫饒

痘後中虛食易傷辛香生冷莫輕嘗

若貪口腹渾無忌犯却中和變內傷

此二條言收後調理之法在外也皮膚薄嫩易於感

冒若不避風寒暑濕梳洗撻拍則至於癰腫者有之生瘡癰者有之在內也腸胃並弱難於消化若不分生熟軟硬寒熱涼溫任意食之則成脹滿者有之至於瀉痢者亦有之可不慎歟

○入方

必勝膏○治痘癰初腫而未膿者

馬齒莧

取汁

公猪肪

熬油

好冬蜜

三味等分同入砂鍋內熬成膏厚塗腫上

生肌散○治痘癰已成膿破爛不能收口

香白芷

錢一

石龍骨

分五

浙貝母

錢二

赤石脂

錢一

新白芨

錢一

共為極細末敷之

六味流氣飲○治痘癰腫痛元氣素虛者

官揀參

大川芎

當歸身

赤芍藥

北防風

南木香

炙黃耆

上薄桂

香白芷

芽桔梗

尖檳榔

川厚樸

台烏藥

紫草茸

陳枳殼

炙甘草

氣血虛而瀉利者加熟附子

大便秘

結者加酒蒸大黃

淨水煎半饑服

連翹解毒湯○治痘癰腫痛能食而元氣強者

淨連翹 香白芷 大川芎 當歸尾 赤芍藥

牛蒡子 穿山甲 炙甘草

淨水煎服

屬太陽經者本方加 川羌活 漢防已

屬陽明經者本方加 綠升麻 粉乾葛

屬少陽經者本方加 北柴胡 枯黃芩

屬太陰經者本方加 青化桂 北防風

屬少陰經者、本方加 川黃連 淮木通
屬厥陰經者、本方加 北柴胡 杭青皮
予按但云六經加味而不指明處所未免闕畧、今
分晰之、以便治療、

太陽經所屬 項背腰髀足外臄足臄

陽明經所屬 額眉眶面胸兩乳牙齦

少陽經所屬 左右頭角耳前左右兩脇腋

太陰經所屬 中腕四肢兩足胕

少陰經所屬 臍腹手足心手足內臄足跟

厥陰經所屬 頭頂小腹男婦陰器

十全大補湯○治痘癰破爛膿血去多速救元氣

官揀參 正川芎 當歸身 赤芍藥 懷熟地

白雲苓 炙黃耆 青化桂 香白芷 金銀花

淨連翹 炙甘草

生薑大棗爲引水煎服仍照以前加入引經藥凡
見癰毒以上法治之不可因循恐成大患微則殘
形甚則殞命

玄參解毒湯○總治痘後餘毒十種火丹

潤玄參

當歸尾

懷生地

鮮紅花

淨連翹

地骨皮

煖石膏

赤芍藥

北防風

淮木通

荊芥穗

淡竹葉十片爲引水煎熱服

磁鋒砭法

法見四卷丹毒門

防風敗毒散○治痘後身發癰疹出而過多者

北防風

赤芍藥

綠升麻

粉乾葛

生甘草

水煎燈心引熱服

大補湯○治痘靨而不乾犯之出血

官揀參 炙黃耆 當歸身 淨連翹 上薄桂

牛蒡子 正川芎 杭白芍 香白芷 炙甘草

大棗三枚爲引水煎服

密蒙花散○治斑痧入眼翳障瞳人

密蒙花

酒洗五錢

穀精草

五錢

淨蟬蛻

去翅足洗淨乾五錢五分

望月砂

一兩炒

共爲細末用臘猪肝一兩竹刀剖開每用末藥一

錢擦在肝內水煮肝熟飲汁食肝神效不可輕用

點洗之藥反成廢棄

涼肝明目散○治痘後雙目羞明怕日

當歸身

草龍膽

北柴胡

正川芎

北防風

密蒙花

酒黃連

川脂猪肝煎湯煮藥服之

黃連解毒湯○治痘後患痢其熱甚者

酒黃連

酒黃芩

陳枳殼

當歸尾

酒大黃

生甘草

水煎滾熱服

和中湯○治痘後患痢膿血既清以此和之

官揀參 大當歸 陳枳殼 淮木通 炙甘草
薑棗引水煎溫服

調胃承氣湯○治痘後熱毒作痢腹痛裏急後重

陳枳殼 錦莊黃 尖檳榔 生甘草

生薑三大片爲引水煎滾熱服

黃芩湯○治痘後痢以經下後以此調其陰陽

酒條芩 酒黃連 當歸身 大川芎 淮木通

南木香 赤芍藥 炙甘草

水煎服 久不止加綠升麻 腹痛加酒大黃

陳皮竹茹湯○治痘後嘔吐有聲有物

雅黃連

用吳茱萸同炒
去茱萸用連

正廣皮

白雲苓

君

竹茹一九爲引水煎熱服

甘桔湯○治痘後餘毒不清咽喉塞痛

芽桔梗

君

大甘草

君

牛旁子

臣

燈心爲引水煎服

知母解毒湯○治痘後餘邪作熱

淨知母

懷生地

熟石膏

地骨皮

酒黃芩

牛蒡子 綠升麻 天花粉 生甘草

淡竹葉爲引、水煎熱服、

黃芩調元湯○治痘後元氣怯弱虛熱身倦、

官揀參 酒炒芩 大麥冬 當歸身 炙甘草

生薑大棗爲引、水煎服、

桂枝解肌湯○治痘後熱已盡除忽因外感作熱、

柳楊桂 赤芍藥 片黃芩 官揀參 粉乾葛

北柴胡 炙甘草

生薑大棗竹葉爲引、水煎服、

補中益氣湯○治痘後久已無熱因傷食發熱

官揀參 炙甘草 漂白朮 廣陳皮 小枳實

杭青皮 南木香 六神翅 老麥芽 炙黃耆

生薑大棗為引水煎服

丁香脾積丸○治痘後傷食腹滿氣急

京三稜 去毛醋浸煨熟 蓬莪朮 去皮如上製 公丁香

南木香 已上各五錢 杭青皮 去穢 肥烏梅 連核燒存性

猪牙皂 燒存性已上各三錢 巴豆仁 四十九粒煨搥去油極淨

共為細末醋煮麪糊為丸如菉豆大每三九或五

九七丸、量兒大小、白湯送下、

雄黃解毒丸○治痘後傷食、腹滿而痛、煩悶不寧、

明雄黃

一錢
另研

川鬱金

三錢

巴豆霜

一錢

共為末、米糊丸、菜豆大、小茴香煎湯下、三五丸、

保和丸○治痘後一向能食、今不思食、聞食氣即嘔、

官揀參

切焙

漂白朮

各三錢

白雲香

錢五

炙甘草

山楂肉

老麥芽

六神麴

各一錢

共為細末、米糊丸、極小、每服一二錢、米飲下、

補中益氣湯○治痘後脾虛、寒熱似瘧、非真瘧也、

官揀參 漂白朮 北柴胡 綠升麻 廣陳皮
上溲桂 當歸身 南木香 炙甘草 虛甚者
加熟附子

生薑大棗爲引水煎服

調元生脉散○治痘後手足冷脈沉細虛極之徵

官揀參 炙黃耆 炒白朮 全當歸 大麥冬
北五味 青化桂 虛冷甚者加熟附片
生薑大棗爲引水煎服

導赤解毒湯○治痘後神昏妄語餘熱未除也

淮木通 懷生地 大麥冬 白茯苓 黑梔仁

上揀參 石菖蒲 炙甘草

燈心爲引水煎服

安神丸○治證同前

真吐黃分五 正雅連炒三錢 當歸身 黑梔仁各二錢

錢五

共爲細末以猪心血和勻爲丸如菴豆大硃砂爲衣每五七丸燈心湯下

清神散火湯○治痘後毒邪未盡忽然作搐

淮木通 潤玄參 大麥冬 正川連 大當歸

官揀參 白茯神 炙甘草

水煎去渣以辰砂末調服大便秘者微加酒大黃
自利者倍人參

當歸桂枝湯○治痘後血少手足拘攣不能轉運

官揀參 當歸身 正川芎 白芍藥 炙黃耆

漂蒼朮 川黃蘗 炙甘草 氣虛肢冷加附片

感冒風寒以致筋骨痛加羌活防風血氣大虛者

加鹿茸虎脛淮牛膝

薑棗爲引、水煎微加好酒一杯對服、

寧肺湯○治痘後邪火未退侵擾肺臟致令咳嗽、

淨知母 牛蒡子 北沙參 懷生地 地骨皮

大麥冬 煅石膏 生阿膠 信前胡 杭白芍

炙甘草

新桑葉七片、枇杷葉一片、引水煎入竹瀝對服、

加味五皮湯○治痘後面目浮四肢腫、

川羌活 五加皮 漂蒼朮 桑白皮 上薄桂

北防風 淮木通 漢防己 結猪苓 炙甘草

生薑皮

燈心爲引水煎熱服

厚樸湯○治痘後腹脹如鼓眼胞腫出水濕飲食所致

漂蒼朮

川厚樸

廣陳皮

結猪苓

大腹皮

茯苓皮

因於食者加

六神麴

山楂肉

京三稜

蓬莪朮

小枳實

生薑大棗爲引水煎熱服

萊菔子丸○治痘後虛腹面唇白四肢冷者

萊菔子

炒五錢
另研

洋胡椒

厚樸煎湯浸過
晒乾用二錢

漂白朮

土炒
二錢

共爲末蜜丸每一錢陳皮湯下

加減導赤散○治痘後餘熱鬱積膀胱小便赤澀

淮木通

車前子

瞿麥穗

白滑石

赤茯苓

黑梔仁

淡竹葉

燈心爲引水煎熱服

潤腸丸○治痘後大便秘結血枯氣弱也

當歸尾

懷生地

火麻仁

光桃仁

萊腹子爲引水煎熱服

建中湯○治痘後陽虛自汗醒眼而出者

柳楊桂 白芍藥 當歸身 炙黃耆 炙甘草

生薑大棗爲引水煎熱服

當歸大黃湯○治痘後陰虛盜汗睡着而出者

當歸身 懷生地 懷熟地 炙黃耆 片黃芩

酒黃連 酒黃蘗

小麥一撮爲引水煎熱服

涼血地黃湯○治痘後毒火流行傷陰動血

真雅連 當歸尾 懷生地 黑元參 炒槐仁

生甘草

鼻血加 絲茅根 新桑葉

吐血加 煅石膏 淨知母 乳童便 香附米

尿血加 淮木通 白滑石

便血加 北秦艽 槐角子 荆芥穗

不止加 蒲黃茸 生藕節 生栢葉

蓮蓬殼燒灰爲引水煎服

黃連止蛇湯○治痘後吐蛇此即仲景烏梅丸之變

制

官揀參 漂白木 川附片 川黃連 川黃蘗

肥烏梅 真黎椒

淨水濃煎人參湯對服

洗心散○治痘後走馬牙疳并赤口瘡白口瘡

川黃連 當歸尾 懷生地 錦莊黃 淮木通

南薄荷 淨連翹 牛蒡子 生甘草

燈心十根爲引水煎熱服

蠶蛻散○治痘後走馬牙疳以此吹之

蠶蛻紙

燒灰一錢

枯白礬

二錢

人中白

取久年者火煨二錢

五倍子

二錢

共爲末洗淨敗血以此藥搽之

陰陽散○治痘後赤口瘡

正川連

二錢

黑炮薑

一錢

共炒研細末用茶洗淨敗血以此藥敷之

硃礬散○治痘後白口瘡

鏡辰砂

二錢

枯白礬

一錢

共研爲末茶洗口瘡以此敷之

參苓白朮散○治痘後飲食不為肌膚

官揀參

二錢

漂白朮

二錢

白雲苓

二錢

真廣皮

二錢

懷山藥

五錢

南木香

一錢

六神麴

一錢

杭青皮

一錢

共為末米飲調服一錢陰日服此

當歸益榮丸○治證同前

當歸身

正川芎

已上俱二錢

正川連

薑汁炒一錢五分

真蘆薈

二錢二分

使君肉

一錢二分

共為末蜜丸米飲下陽日服此

○婦女痘疹證治歌

凡十二首共十一方

女人痘疹最難醫、陰質從來血易虧、

待得疹瘡將發日、只愁天癸有常期、

正理論云、嬰兒女子益以滋甚、以女人陰質血常不足、痘疹始終以氣血為主、一或不足、則變生焉、故女子十四歲已後、有出痘疹者、常恐天癸之行、血走氣虛、每成伏陷、

發熱經行非正時、火邪迫血血奔馳、

急須涼血停爲美、莫待中虛悔却遲、

痘疹發熱經水妄行、却非天癸之期、此毒火內蘊、

亂血海。迫經妄行。月事不以時下。宜玄參地黃湯。或四物合黃連解毒湯。以涼血爲主。必欲其止。如久不止。中氣虛弱。致生陷伏者。有之。

發熱時逢經水行。毒邪已解。汚方清。

過期不止。須當慮。補氣溫經熱自平。

發熱之時。經水未至。其期此積汚得去。毒亦輕解。不須治之。若過四五日。尚不止。以熱邪乘血室之虛。迫血妄行。宜先服小柴胡加生地黃湯。以清血室之熱。後用十全大補湯。以補氣血之虛。令其出自。

易壯易厲

適逢發熱經斯斷、血室空虛怕煩懣、

若然謔妄神不消、熱入子宮醫莫緩、

發熱時經水適斷、宜早服柴胡四物湯、以防血室空
虛、毒邪乘虛而入、致生他疾、若已憎寒壯熱、神識
不清、妄誕見聞、言語錯亂、此為熱入血室、宜四物
湯合導赤散、與安神丸相間服之、

女子居經日已賒、豈堪痘疹證來加、

却愁血海停汚垢、猶慮胞門隱毒邪、

女子經閉謂之居經滿而不瀉、病在心脾、經曰二陽
之病發心脾、女子不月、痘疹之毒發於心、又以脾
爲主、心脾先病、血室不行、衝任之間已多積垢、一
旦痘疹之火鬱於命門胞戶之中、當出不出、毒邪
留伏、致生乖戾者有之、故發熱之初、卽當滌除停
垢、以桃仁承氣湯主之、後以四物湯合勻氣散調
理之、

崩漏多時血已枯、瀉而不滿有餘無、

豈堪當此天行病、濟弱扶傾在吸呼、

女子一向崩漏未止、氣血已虛、若當天行痘疹、必不能任其毒、惟宜大補氣血爲主、十全大補湯、痘出灰白平陷、難發難靨者、更加熟附一二錢、

起發成漿、忽動經、氣隨血散、豈能停

食、多胃足無他慮、不食須防陷伏形、

痘既出現已後、最宜表裏俱實、飲食能多、若當起發胞漿之時、天癸忽動、人但知恐被穢氣觸犯正氣、不知自身之血不足爲厭、但血出而氣亦虛、毒邪乘虛陷入於裏、惟元氣素壯能食者、必無是變、如

氣虛食少、痿人、未有不成陷伏者、直北、全大補湯、主之、虛甚者、加熟附鹿茸、

經行暴嘔、毒邪侵、血出津枯、失音、

養血通心、言語出、一朝聲價、值千金、

女子出痘、經水忽行、暴嘔不能言、蓋心主血、舌乃心之苗、血去則心虛、心虛則少陰之脉不能上榮於舌、故卒失音不語、先以當歸養心湯、養其心血、刺其心竅、自然能言、以十全大補調之、

起發經行證已垂、內虛伏陷、早安撫、

藥靈中病終須吉、證逆違師事不諧、

月事大行、其瘡不起發、不光壯、不飽滿、不紅活、頂平陷、灰白色、或青乾黑陷、此裏虛之候、痘復陷入也、宜十全大補湯、與奪命散、相間服之、其痘胖壯紅綻、或痘空中再出一番、大吉之兆、若加腹脹喘滿、譫妄悶亂、寒顫咬牙、手足厥冷、必死也、

妊娠出痘有真傳、惟有安胎法最先、不可令胎輕觸動、胎元觸動、命歸泉、

孕婦出痘、始終以安胎爲主、不可觸動其胎、其初發

熱以參蘓飲發之、痘出現後、多服安胎飲爲佳、起發收靨遲、十全大補湯去肉桂、

痘正豐時產正臨、幾人得法有規箴、

滌除惡露休輕易、補益元神功效深、

孕婦出痘、正當盛時、忽臨正產、只以大補氣血爲主、十全大補湯、若腹中微痛、此惡露未盡也、宜滌去之、生化湯、

產後如逢出痘瘡、此時胎去免憂惶、只憑補益收功效、莫犯寒涼生氣傷、

婦人產後出痘只以大補氣血爲主十全大補湯其
白芍用好酒炒熟不可妄用寒涼以傷生發之氣
也

○入方

玄參地黃湯

治婦女痘疹作熱經水不依期而至此妄動也

懷生地 潤玄參 粉丹皮 綠升麻 黑梔仁

炒蒲黃 生甘草

燈心十莖水煎熱服

四物合黃連解毒湯○治證同前，火盛毒重者用此。
當歸身 懷生地 杭白芍 正川芎 正雅連
川黃檗 條黃芩 黑梔仁
淨水濃煎熱服。

小柴胡加生地黃湯

治婦女痘初作熱，正值經期，若四五日不止，宜清
血熱。

官揀參 煨柴胡 小條芩 法半夏 懷生地
炙甘草

生薑一片、大棗一枚、水煎熱服、

十全大補湯

治婦女痘疹發熱經行之後當補之以免陷伏、

官揀參 漂白朮 白雲苓 當歸身 正川芎

杭白芍 懷熟地 炙黃耆 青化桂 炙甘草

生薑一片、大棗一枚、水煎溫服、

柴胡四物湯

治婦女經血方淨遙逢痘疹作熱宜升提、

官揀參 軟柴胡 小條苓 當歸身 正川芎

懷生地 杭白芍 地骨皮 杭麥冬 光知母
淡竹葉

生薑一片引水煎熱服

四物合導赤散

治婦女經後出痘熱入血室神識不清謗妄

全當歸 正川芎 杭白芍 懷生地 川木通

懷熟地 炙甘草

燈心十根水煎熱服

安神丸○治證同前與前方間服

真川連 全當歸 杭麥冬 白雲苓 炙甘草

已上各 五錢 鏡辰砂一錢 梅花片二分

共爲細末以臘猪心血搗和少加煉蜜杵千餘下
爲丸、芡實大每一丸燈心湯下

桃仁承氣湯

治婦女經閉日久正值瘕臨宜疎去垢穢免留伏

大桃仁二十個去皮尖研泥 川莊黃二錢酒潤 鮮紅花一錢

生甘草五分 桂枝尾五分

先煎大黃桂枝紅花甘草湯成去滓入桃仁泥化

開空心服、

四物合勻氣散○治疏通經水之後以此調其氣血
當歸身 川芎 京赤芍 懷生地 南木香
京檀肉 炙甘草
水煎不拘時服

十全大補湯○方見前

當歸養心湯○治婦女痘疹經行之後忽然暴啞

官揀參 大揀冬 綠升麻 全當歸 懷生地
炙甘草

燈心十二根爲引水煎熱服

奪命丹○治瘧方起發正值經期其血大下以致陷
伏以此與十全大補間服之

淨麻黃

蜜酒炒黑

綠升麻

各三錢

山豆根

鮮紅花

牛蒡子

淨連翹

各二錢五分

淨蟬蛻

紫草茸

人中黃

各三錢

共爲細末酒蜜和丸芡實大每二九薄荷葉煎湯
化服

麥蘗飲○治孕婦出痘發熱之初以此疏通腠理

官揀參 紫蘓葉 芽桔梗 粉乾葛 信前胡
廣陳皮 白雲苓 陳枳殼 南木香 炙甘草
生薑一片紅棗一枚水煎服

安胎飲○治孕婦痘已出現以此固其胎氣

揀人參 漂白朮 寶條苓 懷熟地 正川芎
全當歸 杭白芍 四砂仁 老蘓葉 廣陳皮
炙甘草

生薑三片紅棗三枚水煎溫服

生化湯

治孕婦出痘，適逢正產，產後腹痛，惡露未盡。

當歸身

錢五

正川芎

錢二

光桃仁

錢二

黑炮薑

錢一

炙甘草

錢一

淨水濃煎服。

痘疹卷終

麻疹骨髓賦

麻雖胎毒多帶時行氣候寒溫非令男女傳染而成
其發也與痘相似其變也比痘匪輕愚夫愚婦每
視爲泛常若死若生總歸於天命不知毒起於胃
熱流於心始終之變腎則無證臟腑之傷肺則尤
甚閉戶問途何若出門尋徑揚湯止沸不如去火
抽薪

初時發熱儼似傷寒目出淚而不止鼻流涕而不乾
咳嗽太急煩躁難安以火照之隱隱皮膚之下以

手抹之亭亭肌肉之間其形若跡其色若丹隨出
隨沒乍隱乍現根窠若煙兮麻而兼癰皮膚若赤
兮麻以來斑似錦而明兮十有九吉如煤而黑兮
百無一痊

麻毒最重治法不同微汗常出熱勢越而不留清便
自調毒氣行而無壅腠理拂鬱兮卽當發散腸胃
秘結兮急與踈通苟視大而若細恐變吉而爲凶
故衄血不必憂邪從衄解利血不必止毒以利鬆
所喜者身中清涼可畏者咽中腫痛飲水不休法

在生津養血、飲食若減、方須清胃和中、

又如出之太遲、發表爲貴、出之過甚、解毒堪宜、毋伐天和、常視歲氣寒、威凜凜、毒勢鬱而不行、火熱炎、炎邪氣乘而作癘、或施溫補、勿助其邪、若用寒涼、休犯其胃、制其過、但取其平、誅其暴、必欲其正、遠寒、遠熱、陰陽之勝負不齊、責實責虛、人稟之強弱、或異、

麻疹旣出、將息尤難、坐臥欲暖、飲食宜淡、風寒若襲、今爲腫、爲熱、鹹酸不禁、今爲欬、爲喘、異氣縱感、變

證宜參便多膿血兮倉廩血熱欬多涎沫兮華蓋
易寒口爛唇裂心火未退皮焦髮稿榮衛將枯苟
不詳於臨證何以見其折肱

麻痘西江月

凡二十首

麻痘俗呼麻子蓋因火毒熏蒸硃砂紅點徧身形發
自胃經一定切忌黑斑死證最宜赤似朱櫻人都
治法喜涼清不許辛甘犯禁

麻疹因何欬嗽蓋由肺胃相連肺金被火苦熬煎以
致欬嗽氣喘治法清金降火不宜悞用辛甜蒸籠

包子譬如然、只要氣鬆火過、

麻疹如何辨認、分明狀似傷寒、此多咳嗽有紅斑、噴嚏眼中水現、或見腹疼陣陣、或時吐瀉相兼、疹麻吐瀉不須嫌、正要毒除熱滅、

麻與痘瘡異治、二家不可同方、痘宜溫解疹宜涼、又要現形爲上、若受風寒不出、其間凶吉難量、急宜發散保安康、最怕神昏腹脹、

大凡麻痘未出、詳看天令如何、假如日暖又風和、敗毒荆防堪可、若是時行疫厲、芩連消毒宜多、用心

調理救沉痾坐井觀天莫學

且論荆防敗毒真爲發散仙方荆防生地要相當酒
炒苓連二樣桔梗人參甘草連翹牛蒡無雙玄參
酒釀妙真良竹葉升麻停當

又有苓連消毒散火解毒尤佳苓連梔子及升麻桔
梗石膏多把甘草人參知母連翹牛蒡紅花引尋
竹葉要多加此個方兒無價

發散仍前不出令人真個憂疑麻黃酒蜜炒如煤梔
檠苓連一例更着大黃酒炒連翹茺子相宜石膏

蟬蛻最爲奇不致命難再立、

如見出時紫黑此般自古多凶、急求人尿路朝東火
煨成灰取用、研碎酒調吞下、須臾黑變爲紅若還
依舊黑朦朧縱有神丹何用、

麻已現形發熱化斑湯用爲先、石膏甘草及人參桔
梗連翹靈驗、若是毒多熱甚、芩連消毒真傳、大腸
秘結、大黃漆務用微通數遍、

麻疹類多咽痛、火邪熏燦無他、連翹甘桔要多加、牛
蒡射干同下、外用十宣妙散吹喉、休要吁嗟、假如

藥後有爭差消毒卒連妙也

麻疹再兼瀉痢預先用藥調醫瀉時減桂五苓宜加
上甘草滑石如是痢兼赤白香連九子相隨大端
痢止便爲奇不效令人疑忌

麻欬聲聲氣促只消降火清金赤苓梔子併黃芩桔
梗石膏靈應知母人參地骨瓜蒌杏子玄參麥冬
牛蒡妙如神竹葉將來作引

麻後切防四證因循多致悞人遍身久熱欠清寧欬
嗽連聲牽引牙齒疳生走馬痲下赤白難禁各求

方法貴精純始是醫中絕品

爲甚身中壯熱只因餘毒連綿金花九子用芩連龍
膽梔仁堪羨鬱金雄黃解毒燈心地骨湯煎若還
脾弱熱長延集聖胃苓任選

欬嗽頻頻不止或因不思酸鹹又加火毒肺家延尤
恐胸高氣喘體質兼行葶蘆神虛清肺爲先如斯
調理保安痊莫向風波失險

葶蘆丸除肺熱杏仁防已爲奇牽牛葶蘆棗相隨棗
服共研成劑清肺神丹降氣鹽湯煮焙陳皮芩連

甘草杏仁泥、蕪子同丸甚美、

口齒生瘡臭爛、此名走馬疳、玆金花九子好求安、外用除疳妙散、先取尿缸白垢、火燒白色如鹽、更將五橫銅綠漆、硃棗燒灰靈顯、

赤痢下時鮮血、黃連、栢葉、槐花、枳殼、荆芥穗同加、痢止血除方罷、白痢、吳萸、滑石、枳根、枳殼、升麻、烏梅、取肉作丸、雉赤白香連可下、

四疾更防死證、臨門休要殊差、兒多體熱、腹如豚、款嗽、面青、聲啞、走馬唇穿、齒落、痢多、禁口、吁嗟、此證

卽是死冤家任是神仙也怕

○麻疹證治歌

凡二十五首
共二十九方

麻爲胎毒發於心胃腑相連熱毒侵

欬嗽鼻中清涕出目觀雙目淚淋淋

痘麻皆胎毒所爲毒者火也痘爲少陽相火陽道常
饒故痘大而掀腫麻乃少陰君火陰道常乏故麻
小而碎密心火旺則肺受之故治麻當以肺爲主
凡欬嗽者火炎於肺也鼻流清涕者以火鑠金而
液自流也目中淚出乃肺熱移於肝也凡手掐眉

目鼻面者肺熱證也

凡遇冬溫最不祥民多痲癘發瘡瘍

若逢斑疹相傳候可用湯丸預解良

春溫夏熱秋燥冬寒此四時之主氣也冬應寒而反
溫陽先暴泄火令早行人感其氣至於來春必生
瘡疹未出痘麻者必感而發雖曰胎毒未有不由
天行厲氣故一時傳染大小相似但見麻疹之出
宜服代天宣化丸方見前痘疹總畧以預解之可使毒徹
不爲已甚也

麻出須明歲氣先、忽輕汗下致顛連、

察人虛實施方法、暗損天和壽不堅、

麻初發熱與傷寒相似、但麻疹則面頰赤、欬嗽噴嚏、
鼻清涕流、目中淚出、呵欠喜睡、或吐瀉、或手拍眉、
目鼻面、宜升麻葛根湯、方見前痘疹發熱條不可

作傷寒妄用汗下也、汗之則增其熱、為衄血、為欬、
血為口瘡咽痛、為目赤痛、為煩燥、為大小便不通、
下之則虛其裏、為滑泄、為滯下、經曰必先歲氣毋
伐天和、此之謂也、

麻喜清涼痘喜溫、須知麻痘不同門、

麻苗痘實無人解、寒熱宜分未可渾、

麻喜清涼痘喜溫、此法人皆知之、然麻疹初發亦宜和暖則易出、所以發苗之初、只要發出得盡、則毒便解矣、若痘必苗而秀、秀而實、毒斯解也、然成實之時、若太溫熱、則反潰爛不收、是痘後亦宜清涼、故治痘麻、無過熱無過寒、溫涼得宜、陰陽自和、是爲得之、

麻毒從來不可出、出完毒解便無憂、

腹中脹痛邪猶伏、喘促昏迷命必休、

麻疹只怕不能得出、若出盡毒便解矣、凡麻疹發熱之時、當審時令寒暄以藥發之、如時令大寒、以桂枝葛根湯發之、大熱以升麻葛根湯合人參白虎湯發之、不寒不熱、以荆防敗毒散發之、如兼發癰時、行以人參敗毒散發之外、以胡荽酒用芎麻蘸酒遍身搽之、務令亟出、若發而不出、反加腹中脹痛、氣上喘促、昏悶譫妄者、死證也、

過期不出勢淹延、毒伏身中未得宣、

急用透肌休息玩、豈堪臟腑受熬煎、

發熱六七日已後、明是麻證、却不見出、此皮膚堅厚、
腠理閉塞、又或爲風寒、釀之、會有吐瀉、乃伏也、急
用發表之劑、麻黃湯去杏仁、加蟬蛻升麻、外以胡
荽酒散麻刮之、如一向未更衣者、毒甚於裏、伏而
不出、涼膈散加牛蒡子、發而解之、再不出者、死證
也、更云謂
大便也

肺爲華蓋、臟稱嬌、毒火炎蒸、津液消、

喘嗽連聲、痰唾少、急須清潤、救枯焦、

麻疹初發熱時未見出現、欬嗽百十聲不已、上氣喘急、面浮、目胞腫、時臥時起、此火毒內蒸、肺葉焦舉、宜柑桔湯加石膏、知母、牛蒡主之、

火熱薰蒸、汗不停、毒邪併迫血道、經

汗多、衛表邪從解、血去榮中毒少寧、

麻疹發熱、自汗、或鼻血出、不須止之、亦發散之義、故汗者、毒從汗散、衄者、毒從衄解、但不可太過、如汗太多、人參白虎湯合黃連解毒湯清之、衄太甚、玄參地黃湯涼之、

發熱不然生吐瀉由他頻出不須怕

腸胃停汚自此清胞胎之毒全消化

麻疹發熱吐瀉純是熱證不可作寒論乃火邪內迫
毒在上焦則吐毒在下焦則瀉毒在中焦則吐瀉
並作單瀉黃芩湯吐而兼瀉黃芩加半夏湯自利
裏急後重黃連解毒湯合天水散

毒火熏蒸氣上騰咽喉自此痛煩增

從來麻痘多斯證解毒清咽效自能

麻痘咽痛本爲當候乃火毒熏蒸而痛也勿與喉痺

同論妄用鍼刺蓋喉痺之證內作癰腫故宜以鍼
決去惡血麻痘只是咽乾作痛宜甘桔湯或鼠粘
子湯細細嚥之自愈

麻毒如焚飲水饒炎邪未許一盃漿

咽喉急燥心家熱津液頻枯胃脘焦

麻疹渴喜飲水純是火邪肺焦胃乾心火內亢故也

初發熱作渴升麻葛根湯方見前加天花粉麥門

冬渴甚人參白虎湯合黃連解毒湯方見前

一齊湧出莫驚惶頃刻渾身朱錦莊

似痘出時還又沒 如麻紅處却成瘡

痘疹貴三四次出、謂出勻、麻疹貴一齊湧出、謂出盡
麻疹只要得出便輕、減以火照之、遍身如塗朱之
狀、此將出之兆、出形細密、與痘疹密者相似、但麻
疹粒粒成瘡、非若癰之皮紅成片、如蚊咬之迹也
痘瘡赤艷、癰來攻、麻見紅鮮、毒得鬆、

白色血虛猶可療、黑斑惡證莫相逢、

痘麻之色不可同論、大抵痘怕大紅、皮嫩易破、必生
癢癢、麻喜通紅、麻發於心、紅者火之正色、若麻色

淡白、心血不足、宜養血、化斑湯主之、色太紅艷、或微紫、或出太甚、並宜大青湯、黑者死證也、

麻之出、浸合陰陽、出以溫和、浸以涼、

連出、不收、陽氣盛、遲遲間出、是陰強、

麻疹出、浸常以六時爲準、假如子後出、午時卽收、午後出、子時卽收、乃陽生陰成、陰生陽成、造化自然之數、凡此旋出旋收者、輕若一出連綿三四日不收、乃陽毒太甚、大青湯解之、方見前、遂廵不出、乃

風寒外束、皮膚閉密、宜荊防敗毒散、方見前

麻出渾身似火燒 毒邪壅甚急難消

解肌只許皮膚暖 救裏還期便溺調

麻疹欲出則遍身發熱或煩躁或頭眩或身拘急及

既出則身即清涼諸病悉解此一層麻疹隨收矣

如麻既出熱甚不減此毒壅遏宜大青湯方見前

以解其表小便濇大連翹湯以解其裏大便秘涼

膈散加牛蒡方見前

麻瘡出盡得安和 毒未清時奈若何

拂拂熱煩邪尙熾 頻頻嘔瀉毒猶多

凡麻疹只要出得盡則毒邪解散正氣和平如拂拂發熱煩悶不寧如蛇在灰如蚓在塵之狀或嘔吐或泄瀉此毒邪壅遏尚未出盡煩熱黃連解毒湯嘔瀉黃連橘皮湯二者並外用胡荽酒以苧麻蘸酒搗之方法見前待麻出盡則煩熱自除嘔瀉自止矣

麻毒流殃爲伏邪、幾經惡候致嗟呀、雖然疫癘由天降、也是因循人事差、

麻疹欲出未出之時即當早爲發散以解其毒、

餘災若不預解使之盡出以致毒蓄於中、麻後必
爲壯熱日久枯癢或成瘡、或爲痢疾或欬血喘
促或作疳、慝而死此雖一時疫厲之染未有不由
人事之未盡

麻後留連熱不除 蒸蒸烙手髮毛疏、
肉消骨立成疳、瘦 幸有良工藥可茹、

麻疹收後身有微熱此虛熱也不須施治待氣血和
暢自然清涼若熱太甚或日久不減以柴胡麥冬
散清之如髮枯毛豎肉消骨立漸漸羸瘦柴胡四

物湯主之、

發熱無休神漸昏 忽然愍瘖不驚魂、

莫將瘖病同調治、 退熱涼心命可存、

麻後熱不除忽作搐搦不可稱爲驚風而用風藥宜

導赤散加入參麥冬煎湯送安神丸

方見女人疳疹條

小便清者可治短少者不可治、

麻毒流殃走馬疳 牙齦潰爛藥空含、

穿喉漏頰聲音啞 早賦歸歟疾似驟、

凡麻後牙齦黑爛肉腐血出息臭冲人曰走馬疳馬

鳴散主之。若面頰浮腫、環口青黑、頰漏齒脫、唇崩、鼻壞者，死證也。宜從四卷齒牙門參攷。

麻後洩瀉名麻痢。晝夜無停，真可異。

勿輕劫瀉圖霸功。禁口毒深凶莫避。

麻後洩痢日久不已，曰休息痢。不可妄用瀉劑以圖霸功。宜黃芩湯合六一散煎送香連丸。若嘔吐不能食，謂之禁口。更加腸滑不止，或下鮮血，或如烟塵水者，死證也。

炎炎胃火金遭殛。欬嗽百聲痰阻隔。

胸高肩息目虛浮 擺手搖頭泉下客

麻疹收後微欬此肺氣未平不須調治若欬轉甚喘
氣上逆發則連綿不已此肺中伏火宜人參清膈
散主之身熱門冬清肺湯主之若欬久不止面浮
目胞腫胸高而喘息則聾肩血自口鼻中出面色
或青或赤鼻燥昏悶搖頭擺手者死證也

麻收禁忌切須防 鹽醋鷄魚慎勿嘗

欲莫從心終是福 物多爽口定爲殃

麻後通禁鷄魚炙博鹽醋之類須過七七之後方可

食之惟宜食淡不可縱口以遺後患也

麻收無恙將平復飲食如常未縱欲

心胸絞痛忽傾亡痲癘侵凌名中毒

曾見痘麻收後動止出入飲食如常忽然心胸絞痛而死者還是元氣怯弱痲癘之毒乘之正不能勝邪伏於中外若無病內已虧損故一中而死謂之中惡

嬰穉初離胎殼中遍身斑駁似硃紅

胎中熱毒於今現莫作時行痲疹攻

凡小兒初生未滿月者遍身紅點俗呼奶麻于是也此胎中受熱故生下卽發現於皮膚不可作時行麻毒論治妄用湯劑益臟腑嬌嫩不能勝湯丸也宜遡源解毒湯與乳母食之

○入方

桂枝葛根湯○治嚴寒時令麻毒難出以此發之

柳楊桂

粉乾葛

赤芍藥

綠升麻

北防風

炙甘草

生薑三片淡豆豉一錢爲引水煎服

升麻葛根合人參白虎湯

治炎天暑月毒爲熱隔以此涼解之

綠升麻 粉乾葛 白芍藥 炙甘草 淨知母

煑石膏 上揀參

糯米一搥水煎服

荆防敗毒散○治天時不寒不熱以此平解之

上揀參 北柴胡 正川芎 芽桔梗 荆芥穗

白雲苓 陳枳殼 信前胡 川羌活 川獨活

北防風 炙甘草

薄荷五片爲引，水煎熱服。

人參敗毒散

時逢疫癘流行，適值麻疹，以此涼解之。

官揀參

川羌活

川獨活

信前胡

北柴胡

川芎藭

白雲苓

陳枳殼

芽桔梗

炙甘草

生薑三片，水煎服。

胡荽酒

俗名羌荽

○治麻疹不出，以此發之。

胡荽四兩切碎，先以好酒二盞，壺內煎滾，方入胡荽在內，盞定勿煎，勿令洩氣，以葶麻蘸酒遍身擦。

之使麻易出、真神法也、

麻黃湯○治麻疹六七日、應出不出、或風寒閉寒、

淨麻黃 製石膏 淨蟬蛻 綠升麻 炙甘草

葱白三寸爲引、水煎服、

涼膈散○治麻毒深重、裏氣不通而應出不出、

錦莊黃 白芷硝 淨連翹 黑梔仁 南薄荷

淡竹葉 甘草稍

水煎去渣、加生蜜三匙和服、

甘桔湯○治麻疹胃火炎肺、金欬嗽、面浮、應出不出、

生甘草 柴桔梗 煖石膏 淨知母 牛蒡子
生薄荷葉五片爲引水煎服

人參白虎合黃連解毒湯

治麻疹自汗太過恐防衛弱以此止之

官揀參 淨知母 煖石膏 生甘草 正雅連

川黃蘗 片黃芩 黑梔仁

糯米一撮爲引水煎熱服

玄參地黃湯○治麻疹動血太過恐防傷陰

潤玄參 懷生地 粉丹皮 黑梔仁 綠升麻

杭白芍 生蒲黃 生甘草

茅根七莖爲引水煎熱服

卽絲茅根也

黃芩湯○治麻疹發熱自利

枯黃芩 白芍藥 炙甘草

大紅棗一枚爲引水煎熱服

黃芩加半夏湯○治麻疹發熱吐瀉

卽前黃芩湯加半夏生薑

黃連解毒合天水散

治麻疹自利裏急後重欲作痢也

正雅連 川黃蘗 枯黃芩 黑梔仁 飛滑石

炙甘草

淨水濃煎空心滾熱服

甘桔湯○治麻疹咽喉疼飲食艱難

生甘草

君

芽桔梗

臣

牛蒡子

使

燈心十莖爲引水煎服

鼠粘子湯○治證同前稍重者用此

鼠粘子

炒

綠升麻

鮮射干

生甘草

燈心爲引水煎熱服

養血化斑湯○治麻疹色淡白、心血不足、

官揀參 當歸身 懷生地 鮮紅花 淨蟬蛻

生薑大棗引水煎服

大青湯○治麻疹色太紅或微紫或出太甚、

鮮大青 潤玄參 懷生地 煖石膏 淨知母

川木通 地骨皮 荆芥穗 生甘草

淡竹葉十二片爲引水煎熱服

大連翹湯○治麻疹既出熱盛不減小便短澀、

淨連翹 北防風 瞿麥穗 荆芥尾 淮木通

車前子 當歸尾 北柴胡 淨蟬蛻 赤芍藥
枯黃芩 白滑石 黑梔仁 紫草茸
燈心十莖 水煎熱服。

黃連解毒湯。治麻疹出後仍發熱煩燥麻出未盡也。

川雅連 川黃蘗 黑梔仁 枯黃芩
淨水煎滾熱服。

柴胡橘皮湯

治麻疹熱邪未盡麻未出完而兼吐瀉。

官揀參 軟柴胡 廣陳皮 枯黃芩 法半夏
白雲苓

竹茹一團、生薑一片爲引、水煎服、

柴胡麥冬散○治麻疹收後大熱不退、毒未出盡也

官揀參 軟柴胡 北沙參 大揀冬 潤玄參
草龍膽 炙甘草

燦心一團爲引、水煎熱服、

柴胡四物湯○治麻疹收後發熱不退、毛焦肉削、

官揀參 北柴胡 枯黃芩 當歸身 正川芎

懷生地 杭白芍 地骨皮 杭揀冬 淨知母

淡竹葉

桑葉三片為引、水煎服、

導赤散○治麻後熱不除而作摘、

懷生地 淮木通 麥門冬 生甘草

淡竹葉七片為引、水煎送安神丸 方見女人痘疹

馬鳴散○治麻後牙齦潰爛、臭氣衝人、

馬鳴蛇 即蠶蛇也、火燒過存性二錢五 人中白 即尿桶垢括取、火煨如鹽五錢

五楠子 二錢 白明礬 二錢、將礬打成塊裝入五楠子內、火煨以礬枯為度

共為極細末以米泔水洗日然後敷此

黃芩湯合天水散

治麻後患痢日久不已仍宜清解

枯黃芩 杭白芍 白滑石 粉甘草

大棗二枚為引水煎熟去滓逆後香連丸

香連丸○治證同前

真雅連

一兩以吳茱萸五錢同炒去茱萸不用

南木香 五錢銼細末

廣陳皮

五錢

建蓮子

去心皮二錢五分

共為細末醋打神麴糊丸如茱豆大每服一錢

人參清膈散○治麻後欬嗽日久連綿不已

官揀參

北柴胡

當歸身

杭白芍

淨知母

鮮桑葉

漂白朮

白雲苓

炙黃耆

地骨皮

枯黃芩

白滑石

煅石膏

生甘草

生薑一片爲引水煎服

門冬清肺湯○治麻後欬喘不已身熱而煩

天門冬

麥門冬

淨知母

鮮桑葉

懷生地

枯黃芩

地骨皮

信前胡

北沙參

炙甘肫

遼源解毒湯

治乳子出胎後遍身奶麻

大當歸 懷生地 正川芎 杭白芍 北沙參

正川連 廣陳皮 上揀參 淮木通 淨連翹

生甘草

水煎乳母服之不可令兒服

勢州 池田曉明順節

男 恒成夫 校訂

幼幼集成卷之六終

跋

嶺南羅浮修士陳公天生
靈敏學窮樞要於河洛疇
範天人理數之際確有心
得其網羅百氏淹貫羣言
則自宋五子書及叅同契

以下皆能折衷而論定之
嘗因侍麈座、進質易義、剖
晰詳明、發揮曉暢、覺先聖
微旨、後人疑團不無了然
心口之間、就教日久、乃悔
向之僅羨公爲高曠玄妙

者、殆淺之乎視公也、公於
醫事、頗嘗究心、所經治全
活無筭、近以幼科驚風法
門傳習、貽害、將以掃除而
廓清之、著爲幼幼集成、凡
六卷、計數十萬言、凡例十

有二、論辨證治治案、及痘
麻正變總賦雜歌、共百數
十條、蓋自胎稟護持、迄於
甫生稍長、諸凡病因治要、
罔不備具於冊、可謂無義
不周、無隱不到矣、又其言

明白顯易、雖山農野老、皆
得習其讀而用之、將以消
造化夭折之憾、全天地生
物之心、是書之行、良非小
補、而公之天根淨徹、學識
周通、其所以取精而用弘

者亦於此窺見一端云
昔乾隆十六年一陽月廬陵
後學劉勣謹識於幼幼集
成六卷之末